

夷唾替上音掃帚九下反釜父音瑕疵斯上音逆下疾  
鑽木官上反劈木上反戢側立反姪上疾  
今反下屏音綴之衛反炙燒音疇直流反掃音垢上疾  
八反古緩胡伴反电申音腋音捅音議比上音也

增壹阿含經卷第三十一

如一

符秦建元年三藏曇摩難提譯

力品第三十八

聞如是一時佛在舍衛國祇樹給孤獨園介  
時世尊告諸比丘有六凡常之力云何為六  
小兒以啼為力欲有所說要當先啼女人以  
瞋恚為力依瞋恚已然後所說沙門婆羅門  
以忍為力常念下下於人然後自陳國王以  
憍慢為力以此豪勢而自陳說然阿羅漢以  
專精為力而自陳說諸佛世尊成大慈悲以  
大悲為力弘益衆生是謂比丘有此六凡常  
之力是故比丘常念修行此大慈悲力如是

諸比丘當作是學介時諸比丘聞佛所說歡  
喜奉行

聞如是一時佛在舍衛國祇樹給孤獨園介  
時世尊告諸比丘汝等當思惟無常想廣布  
無常想已思惟無常想廣布無常想盡斷欲  
界愛色界無色界愛亦斷無明憍慢猶如以  
火焚燒草木永盡無餘亦無遺跡此亦如是  
若修無常想盡斷欲愛色愛無色愛無明憍  
慢永無有餘所以然者比丘當修無常想時  
而無欲心彼已無欲心便能分別法思惟其  
義無有愁憂苦惱彼已思惟法義則無愚惑  
設修行人若見有鬪諍者彼便作是念此諸  
賢士不修無常想不廣布無常想故致此鬪  
訟耳彼已鬪諍不觀其義已不觀其義則有  
迷惑之心彼已執此愚惑而命終入三惡道  
餓鬼畜生地獄中是故諸比丘當修無常想  
廣布無常想便無瞋恚愚惑之想亦能觀法  
亦觀其義若命終後生三處生天上人中涅

槃之道如是諸比丘當作是學。爾時諸比丘聞佛所說歡喜奉行。

聞如是一時佛在摩竭國優迦支江水側。爾時世尊詣一樹下躬自敷座而坐。正身正意繫念在前。爾時有一梵志往至彼處。是時梵志見世尊脚跡極為殊妙。見已便生此念。此

是何人之跡。為是天龍鬼神。乾沓和阿須倫人。若非人為是我先祖。梵天耶。是時梵志即逐跡前進。遙見世尊在一樹下坐。正身正意繫念在前。見已便作是語。為是天耶。世尊告曰。我非是天。為乾沓和耶。世尊告曰。我非乾沓和也。為是龍乎。對曰。我非是龍。為是閼叉

如一

二

耶。佛報梵志。我非閼叉。為是祖父耶。佛報曰。我非祖父。是時婆羅門問世尊曰。汝合是誰。世尊告曰。有愛者則有愛。有受則有受。因緣合會然後各各相生。如此五苦盛陰。無有斷絕。時以知愛已。則知五欲。亦知外六塵。內六入。即知此盛陰之本末。爾時世尊便說此偈。

世間有五欲 意為第六王 已知內外六  
當念盡苦際

是故當求方便滅內外六事。如是梵志當作是學。爾時彼梵志聞佛如是教。思惟既習。不去心懷。即於座上諸塵垢盡。得法眼淨。爾時彼梵志聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。我本為菩薩時。未成佛道。中有此念。此世間極為勤苦。有生有老有病。有死。然此五盛陰不得盡。本原是時。我復作是念。由何因緣有生。老病死復由何因緣致此災患。當思惟此時復生。此念有生。則有老病死。爾時當思惟是時復更生。念由何因緣有此生。由有而生。復生。此念有者。何由而有。我當思惟是時便生。此念此有。由受而有。復念此受。何由而有。爾時以智觀之。由愛而有。受復更思惟此愛。何由而生。重察觀之。由痛而有。愛復更思惟此痛。何由而生。當作是觀。

如一

三

察時由更樂而有此痛復重思惟此更樂何由而有我生此念時緣六入而有此更樂時我重思惟此六入何由而有觀察是時由名色而有六入時我復作是念名色何由而有觀察是時由識而有名色此識何由而有觀察是時由行生識時我復作是念行何由而生觀察是時行由癡而生無明緣行行緣識識緣名色名色緣六入六入緣更樂更樂緣痛痛緣愛愛緣受受緣有有緣生生緣死死緣愁憂苦惱不可稱計如是名為苦盛陰所習我今時復作是念由何因緣滅生老病死我觀察是時生滅老病死滅時復生此念由何而無生觀此生原有滅生則滅復念由何而無有時生此念無受則無有時我生念由何而滅受觀察是時愛滅受則滅復生此念由何而滅愛重更觀察痛滅愛則滅復思惟由何而滅痛觀察是時更樂滅則痛滅復更思惟更樂何由而滅觀察是時六入滅則更

樂滅復觀此六入何由而滅當觀察時名色滅則六入滅復觀名色何由而滅識滅則名色滅復觀此識何由而滅行滅則識滅復觀此行何由而滅癡滅則行滅行滅則識滅識滅則名色滅名色滅則六入滅六入滅則更樂滅更樂滅則痛滅痛滅則愛滅愛滅則受滅受滅則有滅有滅則生滅生滅則老病死滅是謂名為五盛陰滅時我復生此念此識最為原首令人致此生老病死然不能知此生老病死之原本猶如有人在山林中行逐小徑道小復前行見舊大道古昔諸人在中行處是時彼人便復行此道小復前進見舊城郭園觀浴池皆悉茂盛但彼城中無有居民此人見已還歸本國前白王言昨遊山林見好城郭樹木繁茂但彼城中無有人民大王可使人民在彼止住是時國王聞此人語即居止人民然此城郭還復如故人民熾盛快樂無比比丘當知我昔未成菩薩時在山

如一

四

中學道見古昔諸佛所遊行處便從彼道即  
 知生老病死所起原本有生有滅皆悉分別  
 知生苦生集生盡生道皆悉了知受有愛痛  
 更樂六入名色識行癡亦復如是無明起則  
 行起行所造者復由於識我今已明於識今  
 與四部之眾而說此本皆當知此原本所起  
 知集知盡知道念使分明已知六入則知生  
 老病死六入滅則老病死滅是故比丘當求  
 方便滅於六入如是諸比丘當作是學亦時  
 諸比丘聞佛所說歡喜奉行  
 聞如是一時佛在舍衛國祇樹給孤獨園亦  
 時世尊與無央數百千萬眾而為說法亦時  
 阿那律在彼座上是時阿那律在眾中睡眠  
 亦時佛見阿那律睡便說此偈  
 愛法快睡眠 意無有錯亂 賢聖所說法  
 智者之所樂 猶如深淵水 澄清無瑕穢  
 如是聞法人 清淨心樂受 亦如大方石  
 風所不能動 如是得毀譽 心無有傾動

是時世尊告阿那律汝畏王法及畏盜賊而  
 作道乎阿那律報曰不也世尊佛告阿那律  
 汝何故出家學道阿那律白佛言馱患此生  
 老病死愁憂苦惱為苦所惱故欲捨之是故  
 出家學道世尊告曰汝今族姓子信心堅固  
 出家學道世尊今日躬自說法云何於中睡  
 眠是時尊者阿那律即從座起偏露右肩長  
 跪叉手白世尊言自今已後形融體爛終不  
 在如來前坐睡亦時尊者阿那律達曉不眠  
 然不能除去睡眠眼根遂損亦時世尊告阿  
 那律曰勤加精進者與調戲蓋相應設復懈  
 怠與結相應汝今所行當處其中阿那律白  
 佛前已在如來前誓今不能復違本要是時  
 世尊告者域曰療治阿那律眼根者域報曰  
 若阿那律小睡眠者我當治目世尊告阿那  
 律曰汝可復寐所以然者一切諸法由食而  
 存非食不存眼者以眠為食耳者以聲為食  
 鼻者以香為食舌者以味為食身者以細滑

為食意者以法為食我今亦說涅槃為食阿  
那律白佛言涅槃者以何為食佛告阿那律  
涅槃者以無放逸為食乘無放逸得至無為  
阿那律白佛言世尊雖言眼者以眼為食然  
我不堪睡眠尔時阿那律縫故衣裳是時眼  
遂敗壞而得天眼無有瑕穢是時尊者以凡  
常之法而縫衣裳不能得使縷通針孔中是  
時阿那律便作是念諸世間得道羅漢當與  
我貫鍼是時世尊以天耳清淨聞此音聲諸  
世間得道阿羅漢者當與我貫鍼尔時世尊  
至阿那律所而告之曰汝持鍼來吾與汝貫  
之阿那律白佛言向所稱說者謂諸世間欲  
求其福者與我貫鍼世尊告曰世間求福之  
人無復過我如來於六法無有厭足云何為  
六一者施二者教戒三者忍四者法說義說  
五者將護眾生六者求無上正真之道是謂  
六阿那律如來於此六法無有厭足阿那律  
曰如來身者真法之身復欲更求何法如來

以度生死之海又脫愛著然今日故為求福  
之道世尊告曰如是阿那律如汝所說如來  
亦知此六法為無厭足若當眾生知罪惡之  
原身口意所行者終不墮三惡趣以其眾生  
不知罪惡之原故墜墮三惡趣中尔時世尊  
便說此偈

如一

世間所有力 遊在天人中 福力最為勝  
由福成佛道

六

是故阿那律當求方便得此六法如是諸比  
丘當作是學尔時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時有衆多比丘入舍衛城乞食聞王波斯匿  
宮門外有衆多人民於中舉手喚呼皆稱怨  
國界有賊名鴛掘魔極為兇暴殺害生類不  
可稱計無有慈心於一切眾生國界人民無  
不厭患者日取人殺以指為鬘故名為指鬘  
唯願大王當往共戰是時衆多比丘乞食已  
還詣祇洹精舍收攝衣鉢以尼師壇著肩上

往至世尊所頭面禮足在一面坐尔時眾多  
 比丘白世尊言我等眾多比丘入舍衛城乞  
 食見眾多人民在王宮門外稱怨訴辭今王  
 國界有賊名鴛掘魔為人克暴無有慈心殺  
 一切眾生人云國虛皆由此人又取人指以  
 為華鬘尔時世尊聞彼比丘語已即從座起  
 默然而行是時世尊尋到彼所諸有取薪負  
 草犁作之人及牧牛牧羊者見世尊詣彼道  
 各白佛言沙門沙門勿從彼道所以然者此  
 路側有賊名鴛掘魔於中止住諸有人民欲  
 就此道者要集十人或二十人或三十四十  
 五十人猶不得過盡為鴛掘魔所擒獲然沙  
 門瞿曇獨無有侶備為鴛掘魔所觸燒者於  
 事不省世尊雖聞此語故進不住尔時鴛掘  
 魔母持食詣鴛掘魔所是時鴛掘魔便作是  
 念吾指鬘為充數不乎是時即數指猶未充  
 數復更重數唯少一人指是時鴛掘魔左右  
 顧視求覓生人欲取殺之然四遠顧望亦不

見人便作是念我師有教若能害母者必當  
 生天我今母躬來在此即可取殺之得指充  
 數生於天上是時鴛掘魔左手撮母頭右手  
 拔劍而語母言小住阿母是時世尊便作是  
 念此鴛掘魔當為五逆即放眉間相光明普  
 照彼山林是時鴛掘魔見光明已復語母言  
 此是何光明照此山林將非國王集諸兵眾  
 攻伐我身乎是時母告曰汝今當知此非日  
 月火光亦非釋梵天王光明尔時其母便說  
 此偈  
 此非火光明 非日月釋梵 鳥獸不驚怖  
 和鳴殊於常 此光極清明 使人悅無量  
 必是尊最勝 十力至此間 於天世人中  
 天眼觀世界 故欲度汝身 世尊來至此  
 是時鴛掘魔聞佛音響歡喜踊躍不能自勝  
 便作是語我師亦有教誠而勅我曰設汝能  
 害母并殺沙門瞿曇者必生梵天上是時鴛  
 掘魔語母曰母今且住我先取沙門瞿曇殺

然後當食是時鴛掘魔即放母而往逐世尊  
遙見世尊來亦如金聚靡所不照見已並笑  
而說是語今此沙門定在我手必然不疑其  
有人民欲行此道者皆集大眾而行此道然  
此沙門獨無伴侶我今當取殺之是時鴛掘  
魔即拔薺劍往逐世尊是時世尊尋還復道  
徐而行步而鴛掘魔奔馳而逐亦不能及如  
來是時鴛掘魔白世尊言住住沙門世尊告  
曰我自住耳汝自不住是時彼鴛掘魔並走  
遙說此偈  
去而復言住 語我言不住 與我說此義  
彼住我不住

如一八  
今時世尊復以偈報言

世尊言已住 不害於一切 汝今有殺心  
不離於惡原 我住慈心地 愍護一切人  
汝種地獄苦 不離於惡原  
是時鴛掘魔聞此偈已便作是念我今審為  
惡耶又師語我言此是大祠獲大果報能取

千人殺以指作鬘者果其所願如此之人命  
終之後生善處天上設取所生母及沙門瞿  
曇殺者當生梵天上是時佛作威神令彼神  
識燿寤諸梵志書籍亦有此言如來出世甚  
為難遇時時億劫乃出彼出世時不度者度  
不解脫者令得解脫彼說滅六見之法云何  
為六言有我見者即說滅六見之法無有我  
者亦與說滅無有我見之法言有我見無有  
我見亦與說有我見無我見之法復自觀察  
說觀察之法自說無我之法亦非我說亦非  
我不說之法若如來出世說此滅六見之法  
又我奔走之時能及象馬車乘亦及人民然  
此沙門行不暴疾然我今日不能及此必當  
是如來是時鴛掘魔便說此偈  
尊今為我故 而說微妙偈 惡者今識真  
皆由尊威神 即時捨利劍 投于深坑中  
今礼沙門跡 即求作沙門  
是時鴛掘魔即前白佛言世尊唯願聽作沙

如一

九

門世尊告曰善來比丘即時鴛掘魔便成沙  
門著三法衣尔時世尊便說此偈

汝今已剃頭 除結亦當尔 結滅成大果  
無復愁苦惱

是時鴛掘魔聞此語已即時諸塵垢盡得法  
眼淨尔時世尊將鴛掘魔比丘還詣舍衛城  
祇洹精舍是時王波斯匿集四部之眾欲往  
攻伐賊鴛掘魔是時王便作是念我今可往  
至世尊所以此因緣具白世尊若世尊有所  
說者當奉行之尔時王波斯匿即集四部之  
兵往世尊所頭面礼足在一面坐尔時世尊  
問王曰大王今日欲何所至塵全身體乃至  
於斯波斯匿王白佛言我今國界有賊名鴛  
掘魔極為兇暴無有慈心於一切眾使國  
丘荒人民流徙皆由此賊彼今取人殺之以  
指為髮此是惡鬼非為人也我今欲誅伐此  
人世尊告曰若當大王見鴛掘魔信心堅固  
出家學道者王當奈之何王白佛言知復如

何但當承事供養隨時礼拜然復世尊彼是  
惡人無毫釐之善恒殺害人能有此心出家  
學道乎終無此理是時鴛掘魔去世尊不遠  
結跏趺坐正身正意繫念在前尔時世尊伸  
六手指示王曰此是賊鴛掘魔王聞此語便  
懷恐怖衣毛皆豎世尊告王勿懷恐怖可往  
至前自當寤王意耳是時王聞佛語即至鴛  
掘魔前語鴛掘魔曰汝今姓誰鴛掘魔曰我  
姓伽伽母名滿足是時王礼足已在一面坐  
尔時王問曰善樂此正法之中勿有懈怠修  
清淨梵行得盡苦際我當盡形壽供養衣被  
飲食牀卧具病瘦醫藥是時鴛掘魔默然不  
對王即從座起頭面礼足還詣世尊所頭面  
礼足在一面坐是時王復白佛言不降者使  
降不伏者使伏甚奇甚特曾所不有乃能降  
伏極惡之人唯願天尊受命無窮長養生民  
蒙世尊恩得免此難國事猥多欲還城池世  
尊告曰王知是時尔時國王即從座起頭而

如一

十

礼足便退而去尔時鴛掘魔作阿練若著五  
納衣到時持鉢家家乞食周而復始著補納  
弊壞之衣極為醜醜亦復露坐不覆形體是  
時鴛掘魔在閑靜之處自修其行所以族姓  
子出家學道者欲修無上梵行生死已盡梵  
行已立所作已辦更不復受胎如實知之時  
鴛掘魔便成阿羅漢六通清徹無有塵垢已  
成阿羅漢到時著衣持鉢入舍衛城乞食是  
時有婦女臨產甚難見已便作此念眾生之  
類極為苦痛受惱無限是時鴛掘魔食後收  
攝衣鉢以尼師壇著肩上往至世尊所頭面  
礼足在一而坐尔時鴛掘魔白世尊言我向  
著衣持鉢入舍衛城乞食見一婦女身體重  
妊是時我便作是念眾生受苦何至於斯世  
尊告曰汝今往彼婦人所而作是說我從賢  
聖生已來未曾殺生持此至誠之言使此母  
人胎得無他鴛掘魔對曰如是世尊是時鴛  
掘魔即其日著衣持鉢入舍衛城往至彼母

人所語彼母人曰我從賢聖生已來不殺生  
時此至誠之言使胎得解脫是時母人胎即  
得解脫是時鴛掘魔城中乞食諸男女大小  
見之各各自相謂言此名鴛掘魔殺害眾生  
不可稱計今復在城中乞食是時城中人民  
各各以瓦石打者或有以刀斫者傷壞頭日

如一

十二

衣裳裂盡流血汗體即出舍衛城至如來所  
是時世尊遙見鴛掘魔頭目傷破流血汗衣  
而來見已便作是說汝今忍之所以然者此  
罪乃應永劫受之是時鴛掘魔至世尊所頭  
面礼足在一面坐尔時鴛掘魔在如來前便  
說此偈

堅固聽法句 堅固行佛法 堅固親善友  
便至滅盡處 我本為大賊 名曰鴛掘魔  
為流之所漂 蒙尊拔濟之 今觀自歸業  
亦當觀法本 今已逮三明 成就佛行業  
我本名無害 然害不可計 今名真諦實  
不害於一切 設復身口意 都無害心識

此名無殺害 何況起思想 弓師能調角  
 水人能調船 巧匠調其木 智者自調身  
 或以鞭杖伏 或以言語屈 竟不加刀杖  
 我今自降伏 人前為過惡 後止不復犯  
 是照於世間 如雲消月現 比丘老少壯  
 修行佛法行 是照於世間 如彼月雲消  
 比丘老少壯 修行佛法者 是照於世間  
 如彼月雲消 我今受痛少 飲食自知足  
 盡脫一切苦 本緣今已盡 更不受死跡  
 亦復不樂生 今正是時節 歡喜而不亂  
 是時如來可鴛掘魔所說是時鴛掘魔已見  
 如來然可之即後座起礼世尊足便退而去  
 是時諸比丘白世尊言鴛掘魔本作何功德  
 今日聰明黠慧面目端正世之希有復作何  
 不善行於今身上殺害生類不可稱計復作  
 何功德於今值如來得阿羅漢道尔時世尊  
 告諸比丘昔者過去久遠於此賢劫之中有  
 佛名迦葉如來至真等正覺出現於世迦葉

如來去世之後有王名大果統領國界典關  
 浮提尔時彼王有八万四千宮人姝女各無  
 兒息尔時大果王向諸樹神山神日月星宿  
 靡所不周欲求男女尔時王第一夫人身即  
 懷妊經八九月便生男兒顏貌端正世之希  
 有是時彼王便生此念我本無有兒息經尔  
 許時今方生兒宜當立字使於五欲之中而  
 自娛樂是時王召諸羣臣能瞻相者而告之  
 曰我今已生此兒各與立字是時羣臣聞王  
 教已因白王言今此太子極為奇妙端正無  
 比面如桃華色必當有大力勢今當立字名  
 曰大力是時相師與太子立字已各從座起  
 而去是時國王愛愍此太子未曾去目前是  
 時太子年向八歲將諸臣佐往父王所朝賀  
 問訊父王復作是念今此太子極自奇特即  
 告之曰吾今與汝娶婦何如乎太子白王子  
 今年幼何須娉娶是時父王權停不與娶婦  
 復經二十年王復告曰吾欲與汝娶婦太子

白王不須娶婦是時父王告羣臣人民曰我今無兒息經歷久遠方生一子今不肯娶婦清淨無瑕尔時王太子轉字名曰清淨是時清淨太子年向三十王復勅羣臣曰吾今年已衰微更無兒息今唯有清淨太子今王高位應授與太子然此太子不樂五欲之中當云何理國事羣臣報曰當為方便使樂五欲是時父王即椎鍾鳴鼓勅國中人人其能使清淨太子樂五欲者當賜與千金及諸寶物尔時有女人名曰婬種盡明六十四變彼女人聞王有教令其能使王太子習五欲者當賜與千金及諸寶物即往至父王所而告之曰

如一

十三

哭是時太子聞女人哭聲便勅侍人曰此是何人於斯而哭侍人報曰此是女人在門側哭太子告曰汝往速問所由哭耶時彼侍臣往而問之所由哭耶婬女報曰夫主見棄是故哭耳侍臣還白太子此女人為夫主所棄又畏盜賊是故哭耳太子告曰將此女人著象廐中到彼復哭復將至馬廐中復哭太子復語侍臣將來在此即將入堂復於中哭太子躬自問曰何為復哭婬女報太子曰女人單弱極懷恐怖是故哭耳太子告曰上吾牀上可得無畏是時女人默然不語亦復不哭是時女人即脫衣裳前捉太子手舉著已肯上即時驚覺漸漸起欲想已起欲心便身就之是時清淨太子明日清旦往父王所是時父王遙見太子顏色殊於常日見已便作是說汝所欲者事果乎太子報曰如大王所言是時父王歡喜踊躍不能自勝並作是說欲求何願吾當與之太子報曰所賜願者勿復

中悔當求其願時王報曰如汝所言終不中悔欲求何願太子白王大王今日統領閻浮提內皆悉自由閻浮提里內諸未嫁女者先適我家然後使嫁是時王曰隨汝所言王即勅國內人民之類曰諸有女未出門者先使詣清淨太子然後嫁之爾時彼城中有女名須鬻次應至王所是時須鬻長者女露形裸跣在衆人中行亦無羞耻衆人見已各相對談此是長者女名稱遠聞云何露形在人行如驢何異女報衆人曰我非爲驢汝等衆人斯是驢耳汝等頗見女人還見女人有相耻乎城中生類盡是女人唯有清淨太子是如一 十四

民白王王欲存者當殺清淨太子太子欲存者今當殺王我等不堪任承事清淨太子辱國常法是時父王便說此偈  
爲家忘一人 爲村忘一家 爲國忘一村  
爲身忘世間  
是時父王說此偈已告人民曰合正是時隨汝等意是時諸人即將清淨太子取兩手縛之將詣城外各相謂言我等咸共以瓦石打殺何須一又殺乎是時清淨太子臨欲死時而作是說又作誓願此諸人民取吾枉殺然父王自與我願我今受死亦不敢辭使我將來之世當報此怨又使值真人羅漢速得解脫是時人民取太子殺已各自散去諸比丘莫作是觀爾時大果長者豈異人乎今鴛掘魔師是也爾時姪女者今師妻是也爾時人民者今八方人死者是也爾時清淨太子令鴛掘魔比丘是也臨欲死時作此誓願今還報怨無免手者緣此因緣殺害無限復作誓

願願欲值佛今得解脫成阿羅漢此是其義  
當念奉行

余時世尊告諸比丘我弟子中第一聰明捷  
疾智者所謂鶖掘魔比丘是余時諸比丘聞  
佛所說歡喜奉行

十五末

增壹阿含經卷第三十一

如一

乳香

下唐反 閱又 上音 徑道 上右反 茂盛 上莫反 深

淵 下烏反 瑕 上戶反 融 余弓反 調戲 上徒反 本要 下音

遺者 下針反 域 上力反 寢寐 下密反 二 反 縫 音 貫 音 鍼

字 下同 匿王 上力反 驚 下其反 訴辭 上音 觸 音 媿

如 下音 烏 反 又 反 手撮 下七反 鳥獸 下非反 靡 音 彼 音 祠 音

煙寤 郭上反 兄 反 書籍 亦下反 才 反 塵 下 盆 下 流 下 迸 下 必 下 毫

釐 下力反 猥多 上烏反 練若 下而反 弊壞 上必反 斫 若

反漂 反 苗 反 逮 代音 慧 上 懷妊 下而反 娶 上

併 反 下 反 推鐘 上直反 廐 音 弱若 音 僕 上 跣 下 先

典 反 捷疾 上才反 鎧 苦反

增壹阿含經卷第三十二

如二

力品第三十八之餘

符秦建元年三藏曇摩難提譯

聞如是一時佛在羅閱城耆闍崛山中與大  
比丘眾五百人俱余時世尊告諸比丘汝等  
見此靈鷲山乎諸比丘對曰唯然見之卿等  
當知過去久遠世時此山更有異名汝等復  
見此廣普山乎諸比丘對曰唯然見之汝等  
當知過去久遠此山更有異名不與今同汝  
等見白塢山乎諸比丘對曰唯然見之過去  
久遠此山更有異名不與今同汝等頗見此  
負重山乎諸比丘對曰唯然見之汝等頗見  
此仙人窟山乎諸比丘對曰唯然見之此山  
過去久遠亦同此名更無異名所以然者此  
仙人山恒有神通菩薩得道羅漢諸仙人所  
居之處又辟支佛亦在中遊戲我今當說辟  
支佛名号汝等諦聽善思念之有辟支佛名  
阿利吒婆利吒審諦童辟支佛善觀辟支佛